

Communicaziun allas medias digl cumegn da Surses (04-2016)

Surses surpeglia ena garanzeia per la Runals Beiva SA

La radunanza communal da Surses ò decida da surpiglier ena garanzeia da 150'000.00 francs an favour dalla Runals Beiva SA per l'amplificaziun digl neivadoir. Ultra da chegl ò igl suveran approvo la lescha d'electricitad e la lescha da pumpiers digl cumegn da Surses.

Sainza discussiun ò la radunanza communal approvo la dumonda dalla Runals Beiva SA da surpiglier ena garanzeia da 150'000.00 francs an connex cun l'amplificaziun digl neivadoir anfignen Camon. Chella garanzeia è necessaria per tgi la societad survigna digl cantun Grischun en credit d'investiziun NPR (Nova politica regiunala) ed en import correspondent à fonds perdu da radond 25'000.00 francs. Igls costs totals per l'amplificaziun digl neivadoir anfignen Camon montan a 0.5 milliuns francs.

Igl credit da 150'000 francs ò la Runals Beiva SA da paer anavos sur ena dirada da 10 onns agl cantun.

Approvaziun da dus leschas

La radunanza communal ò approvo sainza discussiun e cun gronda maiortad la lescha davart igl menaschi dalla reit da distribuziun e la furniziun d'energeia dall'ovra electrica Surses (lescha d'electricitad). La lescha à applicabla per la reit da distribuziun dall'ovra electrica Surses, tgi cumpeglia tot igls cumegns fusiunos da Surses cun excepziun da Beiva. Per Beiva valan las disposiziuns digl provedimaint d'energeia da Beiva, igls «Impianti elettrici Bivio ». La lescha aintra an vigour igl 1. da schaner 2017.

Er la lescha da pumpiers digl cumegn da Surses è neida approvada sainza cuntervouch. Cun la resalva dall'approvaziun antras la sieranza da bietgs Grischun vo la lescha da pumpiers an vigour retroactivamaintg sen igl 1. da schaner 2016.

Ulteriors sclarimaints dat igl mastral Leo Thomann (telefonign 079 405 96 73).

Tinizong, 29 d'avost 2016